



**SURAT EDARAN UMT BILANGAN 1 TAHUN 2022**

**Bantuan Khas Kewangan Tahun 2022**

**TUJUAN**

1. Surat edaran ini bertujuan memaklumkan mengenai Bantuan Khas Kewangan Tahun 2022 untuk digunapakai di semua Perkhidmatan Awam Negeri, Pihak Berkuasa Berkanun dan Pihak Berkuasa Tempatan.

**LATAR BELAKANG**

2. Jabatan Perkhidmatan Awam, melalui surat edaran JPA.800-3/2/1(32) bertarikh 20 Disember 2021 memaklumkan melalui Belanjawan 2022, telah bersetuju supaya Bantuan Khas Kewangan Tahun 2022 dibayar kepada pegawai Perkhidmatan Awam Kumpulan Pengurusan dan Profesional serta Kumpulan Pelaksana Gred 56 dan ke bawah. Bayaran ini juga turut dipanjangkan kepada pesara Kerajaan yang menerima pencen dan veteran tidak berpencen.

**PELAKSANAAN PEMAKAIAN ARAHAN BANTUAN KHAS KEWANGAN TAHUN 2022**

3. Selaras dengan keputusan tersebut, kaedah pelaksanaan pembayaran Bantuan Khas Kewangan Tahun 2022 adalah seperti berikut:
  - 3.1 Bayaran layak diberikan kepada:
    - (i) pegawai Perkhidmatan Awam Kumpulan Pengurusan dan Profesional serta Kumpulan Pelaksana Gred 56<sup>1</sup> dan ke bawah yang masih berkhidmat pada 25 Januari 2022 sebanyak RM700.00.

## TERHAD

---

<sup>1</sup> Pegawai di Gred 56 atau setara. Tidak termasuk pegawai yang sedang memangku di Gred Utama/Khas

- (ii) pegawai Perkhidmatan Awam Kumpulan Pengurusan dan Profesional serta Kumpulan Pelaksana yang layak tersebut merupakan :
- a. pegawai lantikan tetap, sementara dan *Contract of Service* (COS)<sup>2</sup>;
  - b. pegawai yang bercuti bergaji penuh;
  - c. pegawai yang bercuti separuh gaji;
  - d. pegawai yang bercuti tanpa gaji; dan
  - e. pegawai yang dipinjamkan termasuk ke agensi yang diasingkan pengurusan saraanya. Bantuan Khas Kewangan ini akan dibayar oleh agensi yang menerima peminjaman pegawai;
- 3.2 Pesara Kerajaan yang menerima pencen dan termasuk penerima pencen terbitan di bawah undang-undang pencen serta pesara Skim Kumpulan Wang Simpanan Pekerja (KWSP) yang bersara daripada perkhidmatan awam apabila mencapai opsyen umur persaraan pada atau sebelum 25 Januari 2022 akan dibayar sebanyak RM350.00 oleh Jabatan Perkhidmatan Awam manakala bagi veteran berpencen dan tidak berpencen oleh Jabatan Hal Ehwal Veteran;
- 3.3 Pesara dan veteran seperti di para 3.2 yang dilantik semula secara COS dan masih berkhidmat pada 25 Januari 2022 layak dibayar sebanyak RM700.00. Pembayaran sebanyak RM350.00 akan dibuat oleh Jabatan Perkhidmatan Awam/ Jabatan Hal Ehwal Veteran dan bakinya sebanyak RM350.00 akan dibayar oleh jabatan di mana pegawai sedang berkhidmat;

---

<sup>2</sup> Bagi pegawai di bawah *Contract for Service*, surat edaran berasingan akan dikeluarkan oleh Kementerian Kewangan.

## TERHAD

- 3.4 Pembayaran ini **tidak layak** diberikan kepada:
- i. pegawai dalam Kumpulan Pengurusan Tertinggi dan setaraf termasuk pegawai yang memangku, dipinjam/ tukar sementara dan penempatan khas ke Gred Jawatan Utama/ Gred Khas;
  - ii. pegawai yang dikenakan hukuman tatatertib dalam tempoh 1 Januari 2021 hingga 25 Januari 2022;
  - iii. pegawai yang ditamatkan perkhidmatan demi kepentingan awam dalam tempoh 1 Januari 2022 hingga 25 Januari 2022;
  - iv. pegawai yang meletak jawatan dalam tempoh 1 Januari 2022 hingga 25 Januari 2022; dan
  - v. pegawai berpencen yang melepaskan hak pencen kerana menyertai Badan Berkanun Yang Diasingkan Saraan;
- 3.5 Pegawai yang tidak mendapatkan dos imunisasi COVID-19 yang lengkap selain atas sebab kesihatan dan mendapat pengesahan daripada pengamal perubatan berdaftar akan ditangguhkan pemberian Bantuan Khas Kewangan Tahun 2022 ini. Pegawai hanya layak sekiranya telah melengkapkan dos imunisasi COVID-19 selewat-lewatnya pada 31 Mac 2022.
- 3.6 Pegawai yang ditahan kerja, digantung kerja atau surat pertuduhan telah dikeluarkan oleh Pihak Berkuasa Tatertib akan ditangguhkan pemberian Bantuan Khas Kewangan Tahun 2022 ini. Pegawai hanya layak dibayar sekiranya Pihak Berkuasa Tatatertib mendapati pegawai tersebut tidak bersalah.
- 3.7 Pegawai Perkhidmatan Awam Persekutuan yang meninggal dunia pada 25 Januari 2022 layak diberi Bantuan Khas Kewangan Tahun 2022 sebanyak RM700.00; dan
- 3.8 Bantuan Khas Kewangan Tahun 2022 ini akan dibayar pada 25 Januari 2022 dan menjadi tanggungan jabatan di mana pegawai berkhidmat pada tarikh pembayaran.

## **TERHAD**

### **PEMAKAIAN**

4. Tertakluk kepada penerimaannya oleh pihak berkuasa masing-masing, surat edaran ini keseluruhannya dipanjangkan kepada semua Perkhidmatan Awam Negeri, Pihak Berkuasa Berkanun dan Pihak Berkuasa Tempatan.

### **TANGGUNGJAWAB PEMBAYARAN**

5. Pembayaran Bantuan Khas Tahun 2022 ini adalah menjadi tanggungan UMT, di mana pegawai berkhidmat pada tarikh pembayaran.

### **TARIKH KUAT KUASA**

6. Penerimaan pakai surat edaran ini adalah berkuat kuasa mengikut pada tarikh surat edaran JPA ini di terima iaitu pada 20 Disember 2021.